



首頁 / 評論 / 議事堂

龐卓斌 | 金融市場宜披露為主導 避免作過分前置式監管

編輯：梁庭希 責編：韓進瑤

2023年9月



中小型券商從業員過去數年面臨失業危機。資料圖片

文：龐卓斌

每個做夜市嘅街邊小販，最後願望當然都係想做地舖！但係個攤受唔受歡迎，除咗考慮個攤有無特色外，最緊要都係個攤好唔好玩，同埋抵唔抵玩！起碼回望過去三年，香港個股市就絕對唔抵玩之餘又唔好玩。金融市場打開門做生意，無疑係提供一個場地俾企業可以集資承傳，做大做強。投資者可以按個人喜好投資或賭博獲得回報。在消費者立場，此地不留人自有留人處。筆者見到呢個趨勢，多少有點悲哀。

翻查資料，2018年在香港新上市公司有209間，除牌數目只有21間。舊年2022年，新上市只得91間，然而除牌數目居然多達77間，數字仲未計具有潛在除牌風險，包括就嚟除牌或者已經停牌的上市公司。2023年前5個月，總共有28家企業上市，但同時有24家企業從港交所退市，包括除牌21間，私有化3間。**數一數手指，上市公司數目淨增長居然由2018年嘅188間，去到舊年得返14間，到今年上半年更得翻1間。**連上市剛滿半個世紀，比起李嘉誠旗下長和（00001）（喺1972年11月1日上市），更早上市嘅華廈置業（00278）（喺1972年4月24日上市），都係舊年9月中因不作覆核而停牌，若明年3月在指定日期前未符合復牌要求須除牌。究竟係矯枉過正，還是無意中推小股東落海，忽視咗小股東利益。個攤有幾好玩，大家可想而知。

至於抵唔抵玩，想起嘅COVID橫行，加上經濟周期向下時，個攤啲嘢不單無減價促銷，反而仲加價迎賓。雖然消費者嚟少咗，可能有好多唔同因素導致。但係個時間把握就好似打風先嚟約踢波，好難有好嘅預期。又翻查下資料，9月13日全日主板成交僅798億元，出現近千股「零成交」嘅新記錄。一個約35萬億嘅市場，就只有呢點成交。據港交所網站顯示，8月份各類證券成交金額中，其中股票只佔73.2%，而衍生權證、牛熊證，單位信託基金等不涉及股票印花稅的產品居然佔據市場成交金額超過四分之一的份額。抵唔抵玩相信大家心中有數，而且嘅不同渠道都已經聽到唔少聲音。

個個搞地攤最終都係想走上地舖，所有大公司都係由細公司做起。香港創業板（GEM）已經有18年歷史，從最初成立時嘅800幾點，一直跌至最近的不足30點，跌幅高達97%以上，更加連續32個月無任何新股上市。雖然政府年初已經話，會喺今年內就GEM改革提出具體方案同市場諮詢，但至今9月中都仲係只聞樓梯響。**希望有關方面可以將目光放遠，俾街邊小販一個公平嘅發展同生存土壤，以披露為主導，避免過分地用前置式監管，相信市場自然會汰弱留強。**

驀然回首，香港嘅70至80年代係電子、玩具、製衣工業中心，90年代係全球航運中心、貿易中心同享有購物天堂嘅美譽，2000至2010年代更成為國際金融中心、人民幣離岸中心。**期待政府喺本年度餘下嘅一個季度，審時度勢，除咗為香港夜繽紛激活夜市經濟之外，同時公聽並觀，改曲易調，相信好多中小型券商嘅從業員過去幾年都面臨失業危機，大家都希望政府盡快有新政策打救業界。**

作者為香港證券及期貨專業總會副會長

本文為作者觀點，不代表本媒體立場

精選



來論 | 2
時修例道



來論 | 港
周年



朱家健 | 顯教育



黃家和 | 「質」及



虛擬資 | 交易
寒柏 | 川
產業的

與其在网上自說自話

圍爐 WARM TALKING

不如一齊圍爐傾吓計

訂閱圍爐Warm Talking Youtube頻道

點擊此圖

- # 港股
- # 上市公司
- # 金融市場
- # 香港
- # 龐卓斌
- # 前置式監管
- # 香港創業版

評論



寫下您的評論...

評論

編輯推薦



管浩鳴 | 從公益慈善事業說好國家及香港故事

講事堂 | 3天前



顧長風 | 香港要成為「超級聯繫人」須從加強研究培訓入手

講事堂 | 3天前



周文港 | 「一帶一路」拓新機潛力

講事堂 | 3天前



侯鈞翔 | 猴痘襲港不容忽視 接種疫苗防患未然

講事堂 | 4天前



韓成科 | 鄭雁雄擔任檢閱官 傳達中央對警隊的支持和期望

講事堂 | 5天前



解局 | 兩岸融合發展升級 利好係

講事堂 | 5天前

- | | | | | | | | | | |
|------------|-----------|-----------|-----------|-----------|-----------|--------------|------------|-------------|-------------|
| 橙TV | 資訊 | 評論 | 財經 | 文化 | 生活 | 親SON教 | 美人計 | 公仔紙 | HK E |
| 專訪 | 港聞 | 講事堂 | 財經專欄 | 文化本事 | 發緊夢 | 名人專訪 | 煲劇誌 | YO! s 生活漫畫式 | OPINIO |
| 視頻專題 | 國際 | 有話直說 | 產經 | 書人書事 | Mycooky | 教養妙法 | 天下無雙李專 | 老少女改運大法 | STAND |
| 動畫圖解 | 兩岸 | 圍爐 | 地產 | 專欄作家 | 診所橙事 | 好書推薦 | 靈氣碧仁 | Dear me, | STAR T/ |
| 直播 | 區間 | 投投是道 | 搵錢呢啲嘢 | 樓上戲院 | 曼慢活 | 升學導航 | 亞熱帶中年 | 大V漫畫 | THE RE/ |

社區

- 社區我有SAY
- 區區無小事
- 區內熱話

[社區生活](#)

[關於我們](#) [招聘信息](#) [聯絡我們](#) [版權聲明](#) [廣告服務](#) [友情鏈接](#)

Copyright © 2014-2023 All Rights Reserved 橙新聞 版權所有